



করোনা ভাইরাসে আক্রান্ত পার্বত্য চট্টগ্রাম বিষয়ক মন্ত্রণালয়ের মাননীয় মন্ত্রী বীর বাহাদুর উশৈসিং, এমপি কে রবিবার (০৭-৬-২০২০) বাংলাদেশ বিমান বাহিনীর একটি এমআই-১৭১এসএইচ হেলিকপ্টার যোগে উন্নত চিকিৎসার জন্য ঢাকা সিএমএইচ-এ আনা হয়েছে। ছবিঃ আইএসপিআর

বাংলাদেশ বিমান বাহিনীর হেলিকপ্টার যোগে করোনায় আক্রান্ত পার্বত্য চট্টগ্রাম বিষয়ক মন্ত্রণালয়ের মাননীয় মন্ত্রী কে বান্দরবান হতে ঢাকা সিএমএইচ-এ স্থানান্তর

ঢাকা, ০৭ জুনঃ- করোনাভাইরাসে আক্রান্ত পার্বত্য চট্টগ্রাম বিষয়ক মন্ত্রণালয়ের মাননীয় মন্ত্রী বীর বাহাদুর উশৈসিং, এমপি কে রবিবার (০৭-৬-২০২০) জরুরী ভিত্তিতে বান্দরবান হতে বাংলাদেশ বিমান বাহিনীর একটি এমআই-১৭১এসএইচ হেলিকপ্টার যোগে ঢাকা সম্মিলিত সামরিক হাসপাতাল (সিএমএইচ) স্থানান্তর করা হয়।

জাতীয় যেকোন ধরনের দুর্যোগ মোকাবেলায় বাংলাদেশ বিমান বাহিনী সর্বদা সহায়তা প্রদান করে আসছে। সশস্ত্র বাহিনী বিভাগ কর্তৃক ‘In Aid to Civil Power’ এর আওতায় করোনাভাইরাস প্রতিরোধকল্পে বেসামরিক প্রশাসনকে সহায়তা প্রদানের লক্ষ্যে বাংলাদেশ বিমান বাহিনী জরুরী বিমান পরিবহন এবং মেডিক্যাল ইভাকুয়েশন (MEDEVAC) সহায়তা প্রদান করে আসছে। এরই ধারাবাহিকতায়, বাংলাদেশ বিমান বাহিনী প্রধান এয়ার চীফ মার্শাল মাসিহুজ্জামান সেরনিয়াবাত, বিবিপি, ওএসপি, এনডিইউ, পিএসসি এর প্রয়োজনীয় দিক নির্দেশনায় উক্ত মেডিক্যাল ইভাকুয়েশন (MEDEVAC) মিশন পরিচালনা করা হয়। বাংলাদেশ বিমান বাহিনী এই মেডিক্যাল ইভাকুয়েশন (MEDEVAC) মিশনের মাধ্যমে পার্বত্য চট্টগ্রাম বিষয়ক মন্ত্রণালয়ের মাননীয় মন্ত্রী বীর বাহাদুর উশৈসিং, এমপি করোনাভাইরাসে আক্রান্ত হলে তাকে বান্দরবান সেনানিবাসের হেলিপ্যাড হতে বিমান বাহিনীর একটি এমআই-১৭১এসএইচ হেলিকপ্টারের মাধ্যমে উন্নত চিকিৎসার জন্য জরুরী ভিত্তিতে ঢাকায় নিয়ে আসে। সেই সাথে মাননীয় মন্ত্রী বীর বাহাদুর উশৈসিং, এমপি এর পুত্র রবিন বাহাদুর ও তার ব্যক্তিগত সহকারী জনাব আকাশ চৌধুরী কেও একই হেলিকপ্টারে করে ঢাকায় নিয়ে আসা হয়। পরবর্তীতে তাকে উন্নত চিকিৎসার জন্য সম্মিলিত সামরিক হাসপাতাল (সিএমএইচ), ঢাকায় প্রেরণ করা হয়।